

廣文書局印行

史料
七編
兩漢志沿邊十郡考略
兩漢幽并涼三州今地考略

本書承 國立中央研究院
惠借影印書稿謹此致謝

兩漢志治邊

十郡考略



何維
樸署

叙

儒者治經讀史必通輿地之學夫之攻伐戰守山川
邊徼細之沿革分合各有一代之規皆非專家之學
不能明余以為邊徼為尤亟昔江陰六氏取廿二史
郡國州縣各為之圖儀徵厲氏取 大清一統志圖
合刻之以見歷朝沿革惜其篇幅過狹於地形遠志
之未詳者不能增字為憾而於邊徼尤不能詳其因
革今觀五台徐松龕先生兩漢沿邊十郡三州今地

考略而編蓋據兩漢地理志與一統志互相考證間以己意按之可為讀史之助然詳審猶先生未竟之作緣一統志亦有不能確定者猶待以他書旁參曲證焉倘使得竟其緒兼及歷代地理之沿革由邊徼而推之廿二行省不尤成蔚然大觀哉余於輿地之學夙未究心承吉午委為之叙不能辭僅述其大略如是而尤服先生先見數十年前早於北地山川邊徼已三致意焉

後學邵松年謹敘

五台徐松龕先生道咸間名臣也博聞強識尤長輿地考
證之學而著瀛寰志略為中土言外志者之先河久已家
置一編不脛而走晚年一益究心東西北邊輟諸地嘗取班
范地理郡國二志與一統志互證參稽間下己意纂成北
漠沿邊十郡及幽并涼三州今地攷略三書意在疏通今
古俾言邊事者得而攷鏡削稿既竣迄未付世今後孫
吉午耀先著之就瀛西漠付諸剞劂子稿亦束索一
言元時知識周昧地學夙斯研討於先生之書之懿
無能有所闡述獨念當先生著是書時海禁初開
疆圉猶隘凡所列漠時諸邊郡非我外省即附近藩

常軌者視之固晏然無序也也曾不百年而門閭洞開
東西強鄰鷹瞵鶚視昔之軒有道藩或州視為杞肉
禁齋宰割已宜或方張周旋之網盤遠勢以舉宰之
甚者嗾我族類為虜俾為雉國冀以逞其耿、馳逐
之私使我謀國之士日趙然於邊事外言傲繞紛拏
而不不辭於以款事言之至如深無端而一二前哲深
淺遠鑒以匡居著述之意動人以綢繆周圍之思其
為慮信非遠人所能及惜乎先生此書未及出版寒
惠暇同時託出而令讀者恨茲蒙之已晚也民國二年仲
春海鹽張元濟謹序

漢志沿邊十郡考略

五台徐繼畬著

受業高上理

侄孫寶璣
侄曾孫培桐

全校

兩漢沿邊各郡。在北方者。曰上谷。曰代郡。曰雁門。曰定襄。曰雲中。曰五原。曰朔方。曰西河。曰上郡。曰北地。其在今日。半在內地。半在蒙古游牧地。在內地居多者。爲雁門郡。得半者。爲上谷代郡西河上郡北地。皆兼有游牧地。全在游牧地者。爲五原定襄雲中朔方四郡。長城以內無片土。其在內地者。歷代更改地名。大半皆非其舊。而在游牧地者。二千年來。城邑鞠爲茂草。更難辨析。今從大清一統志中。撮其大略。以備遺忘。

漢上谷郡。在內地者。爲順天府之昌平州。直隸省宣化府之宣化赤城。萬全。龍門。懷來。懷安。六縣。延慶。保安二州。在游牧地者。爲獨

石口外之

御馬廠。太僕寺左翼牧廠。鑲黃等四旗牧廠。察哈爾之鑲黃旗。正白旗。鑲白旗。其北境兼內蒙古之阿巴哈納爾。阿巴噶。蘇尼特三部地。

漢代郡。在內地者。爲直隸省宣化府之蔚州。西甯縣。易州所屬之廣昌縣。山西省大同府之靈邱。廣靈二縣。在游牧地者。爲禮部牧廠。正黃等四旗牧廠。察哈爾之正黃旗。兼內蒙古之蘇尼特部地。察哈爾正黃旗界。有漢且如延陵兩故城。皆代郡所屬也。

案今山西省之代州。乃漢廣武陰館二縣地。屬雁門郡。州名始於唐。實與代郡無涉也。

漢雁門郡。在內地者。爲山西省大同府之大同。懷仁。山陰。陽高。天鎮五縣。應渾源二州。朔平府之左雲。平魯二縣。朔州。馬邑鄉。代州。

直隸州甯武府之神池偏關五寨三縣在游牧地者。自豐鎮以北爲太僕寺右翼牧廠。察哈爾之正紅旂。鑲紅旂。鑲藍旂。北境兼內蒙古之四子部落地。太僕寺右翼牧廠有疆陰故城。察哈爾鑲藍旂有沃陽故城。皆漢雁門郡所屬也。

案兩漢沿邊各郡。惟雁門近南。內接腹地之太原。今內地之大同朔平甯武代州。隸雁門者十之九。恢恢乎一大郡也。然其北境跨長城邊外。歷牧廠察哈爾。直抵內蒙古之四子部落。蓋戎馬巖疆。控制不嫌其遠耳。

漢定襄郡在邊牆外。卽今歸化城土默特各廳之地。漢時其地分定襄雲中兩郡。大勢定襄在迤東。迤南約卽今甯遠廳直北。以西及清水河一帶土默特游牧之地。其北境兼內蒙古之喀爾喀右翼四子部落兩部地。土默特境內有成樂桐過武進定襄武肅武

城六故城皆漢定襄郡所屬也。

案今之定襄縣乃漢太原郡之陽曲縣後代遷改有定襄之名與古定襄郡無涉。

漢雲中郡在邊牆外歸化城土默特牧地之西北境卽今和林格爾歸化城薩拉齊托克托城一帶地居河套之東北其北境兼內蒙古喀爾喀右翼地西境跨入河套在土默特境內者有雲中咸陽楨陵沙陵陶陵原陽北興武泉陽壽九故城皆漢雲中郡所屬也。

一統志云古雲中在陰山之南黃河自西來折南流之處卽今歸化城以西地漢時雲中郡治雲中縣定襄郡治成樂縣兩地東西相距止八十里初不相混也後漢始以成樂定襄等縣屬雲中及後魏初都盛樂號雲中於是定襄有雲中之名至隋以

雲中置定襄郡。大利縣而雲中有定襄之名。然相去不遠。猶近故地。自唐以馬邑郡雲內之恒安鎮置雲州。雲中郡及雲中縣。又於忻州置定襄郡。定襄縣。於是雲中定襄之名移於古雁門。太原二郡去故地始遠。今謂大同爲雲中。又太原府有定襄縣。皆唐以後所名。非舊郡也。

又一統志。楨陵故城。注云。楨陵與沙南縣隔河相對。楨陵在河東岸。沙南在河西岸。卽今鄂爾多斯左翼後旂之地。蓋雲中屬縣。亦有跨入河套者。又前漢雲中十一縣。今故城可考者十。惟犢和一縣無考。

漢五原郡。去內地絕遠。乃今內蒙古茂明安烏拉特兩部地。在陰山之南。河套北河之北。屬縣有在河套內者。西境之河目縣。已接陽山高闕。入北假界中。今烏拉特境內有九原。五原。臨沃。宜梁。成。

宜。西安陽。河目。細陽。諸故城皆漢五原郡所屬也。

陰山即大青山起烏拉特西境東至歸化城東

北綿亘五百餘里陽山在陰山之西實一山相連在烏拉特西北二百里一統志辨之甚詳

一統志云。五原所屬曼柏縣亦在黃河北岸。惟河陰一縣在河南。余案據此說。則河套內亦有五原郡地。

漢朔方郡在河套內。今內蒙古鄂爾多斯七旅游牧之地。兼跨套西厄魯阿拉善牧地。河套一土。東西北三面距河。南界長城。袤延數千里。其北境有五原郡地。東北境有雲中郡地。東境有西河郡地。東南境有上郡地。西南接連北地地。而朔方一郡約得十之五六。今鄂爾多斯右翼三旗卽朔方郡地也。套內有朔方。臨河。渠搜。廣牧。臨戎。諸故城。套西有三封。窳渾。沃野。三故城。皆漢朔方郡所屬也。

案河套本秦新秦中地。漢初入匈奴。武帝元朔二年收其地置

朔方郡徙民十萬以實之。朔方郡領縣十。故城在河套者五。在套西者三。前漢郡治三封。在套西。後漢治臨戎。在套內。脩都呼遘二城。亦在套內。特未詳故城所在耳。

一統志。黃河北流。逕古朔方之西。行五百餘里。一支分爲二歧。東注。水經所謂南河也。其北河流至套外之阿爾布坦山南。迤西溢爲大澤。土名騰格里腦兒。卽古屠申澤也。自此屈而東流。過古高闕。南行二百餘里。稍東南流。又折而西南。與南河合。水經所謂北河南屈。逕河目縣左。又南合南河是也。始直向東行。經古五原之南。至大土爾根河入河處。始轉向東南行。過古勝州境。以地勢測之。漢臨河縣在北河之南。南河之北。水經所謂自高闕南而東逕故城北者。北河也。自臨戎縣北而東逕縣南者。南河也。

漢西河郡。跨黃河兩岸。在內地黃河東岸者。爲山西省汾州府屬之臨縣。永寧州。寧鄉縣。石樓縣。在黃河西岸者。爲陝西省榆林府屬之神木縣。府谷縣。葭州。又從榆林。跨入長城外河套內。鄂爾多斯牧地之東南陽。今鄂爾多斯左翼。有大成富昌美稷三故城。皆漢西河郡所屬也。

案前漢西河郡治富昌。在今河套鄂爾多斯左翼前旂界。直榆林府之東北。後漢治離石。卽今永寧州。其以汾州府之汾陽縣爲西河郡治。始於三國時。魏黃初二年。乃漢茲氏縣地。屬太原郡。與西河郡無涉也。

漢上郡。在內地者。爲陝西省榆林府屬之榆林懷遠二縣。綏德州屬之綏德州。米脂。清澗。吳堡。三縣。延安府屬之膚施。安塞。甘泉。保安。安定。宜川。延長。延川。八縣。鄜州屬之鄜州。其北境越長城。跨入

河套鄂爾多斯牧地之南境。今鄂爾多斯左翼前旗有奢延故城。左翼中旗有白土故城。皆漢上郡所屬也。

漢北地郡在內地者。爲陝西省榆林府屬之靖邊定邊二縣。鄜州屬之中部縣。甘肅省甯夏府屬之甯夏縣。寧朔縣。平羅縣。靈州。已省併之新渠寶豐二縣。慶陽府一屬各州縣。此北地東境也。其西境越長城。跨入套西厄魯特阿拉善部界內。特故城無可考者。

